



Fernand ETGEN  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, den 11/02/2021

**Här President,**

**Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir Sport & Gesondheet weiderzeleeden.**

Am Moment stinn den Sportsveräiner ongeféier 60.000 Schnelltester zur Verfügung. Am Moment ass Notzung vun dësen net gesetzlech virgeschriwwen, déi grouss Sportfederatiounen verpflichten awer hier Veräiner se ze notzen. Sport ass awer net nëmmen an engem groussen Veräin wichteg, mee och d'Bewegung vun den Kanner, de Kranken oder den Leit mat Handicap spillt a Pandemie-Zäiten eng wichteg Roll.

An deem Zesammenhang wéilt ech de Ministeren dës Froe stellen:

1. D'Mesure vun de 60.000 Schnelltester fir Sportveräiner ass jo exklusiv fir d'Sports-Kompetitioun. Ass esou eng Measure och fir krank Leit oder Leit mat enger Behënnerung virgesinn, déi Sport aus Therapiezwecker brauchen?
2. Wéi eng Mesuren si virgesinn, dass d'Kanner no der Fuesvakanz, ausserhalb vun der Schoul, och nees hirem Sport kënnen nogoen?
3. Wéi eng Mesuren hunn de Sportsministère an de Gesondheetsministère bis elo geholl, fir deene Leit een sécheren Zougang zum Sport ze erlaben déi hire Sport net an engem Sportveräin maachen?  
Wat fir Mesuren sinn an Zukunft geplangt?

Mat déiwem Respekt,

CLEMENT Sven  
Député



[www.piraten.lu](http://www.piraten.lu)